

ISAGOGES ASTROLOGIÆ IUDICIARIÆ

CLARISSIMI MATHEMATICI IOANNIS

Schoneri Carolostadij pars prima: seriem ac
dispositionem Ephemeridis explicans.

CANON PRIMVS.



PRINCIPIO PONITVR NVMERVS

anni, ad quem ipsa Ephemeris est calculata; deinde sequitur aureus numerus, Ciclus solaris, litera Dominicalis, Indictio, Interuallū, & cœtera festa mobilia, & si quod luminarium eo anno defectum luminis patietur, cum debita eius figuratione. Cœterum etiam quinq; planetarū regressiones, & quantum durabunt eorum regressiones, si contigerint. Iam etiam uerso folio duplex offertur paginae facies: sinistra quidem facie, numeri motuum uerorum, in gradibus & minutis disponuntur. Verum quo

*Spines of dispositione
sup. luminariis*

articulatus singula discernas, in ea facie ad sinistram Mensis notatur, cum insignibus quibusdam suis diebus festiuis, literaq; Dominicali repetita, ac numero dierum suorum, ut certo & omnibus noto tempore motus certus assignetur. Succeedunt deinceps octo columnulae, lineis discretæ singularibus, quarum prima Solis est, secunda Lunæ, tertia Saturno, quarta Ioui, quinta Marti, sexta Veneri, septima Mercurio, octaua capiti draconis Lunæ dicatur, characteribus proprijs hunc ordinem superne commonstrantibus. Vnaquæq; etiam columnula duplicem habet numerorum ordinem, graduum uidelicet ac minorum per literas gr. & m̄, in capitibus eorum notatorum, qui cuius sint signi, character proximè suprapositus admonet. Omnis autem motus uerus hic designatus ad meridiem refertur diei, cuius numero opponuntur gradus, & minuta talis motus. Dies etiam æquales supponunt, ueluti supputatio postulat Astronomica. Cœterum singulae planetarum columnulae binas in capitibus gestant literas, quæ singulorum partem latitudinis ad initia mensium indicant, nempe his duabus S. A. Septentrionalis ascendens: Illis autem S. D. Septentrionalis descendens planeta insinuatur. Sic M. D. meridianum descendentem: & M. A. meridianum ascendentem significant. Latitudines autem quinq; planetarum in gradibus, & minutis in calce cuiusuis mensis ad primum, decimum & uigesimum diem mensis suprapositi depræhendes, quæ secundum literarum capitalium signationem iam supra expositam, nomen sortientur, planetisq; adaptabuntur: nisi in textu numerorum à capite columnulae ad pedem eiusdem descendendo litera S. M. uel A. D. à capitalibus discrepans, occurrerit: tunc enim aut latitudo planetæ, aut eius ascensus uel descensus in latitudine pro literæ expressione mutabitur. Nunc de summo quæ in dextra facie notantur, addiscamus. Sed maiorem huius interpretationis partem, titulus capitalis absoluit, quippe aspectus Lunæ ad Solem & planetas, sex columnulis exponuntur, quæ Solis ac planetarum sex proprias notas in capitibus tabulae aspectuum assignatas gerunt. Aspectuum quidem differentijs, per characteres etiã suos designatis, ☉ Opposito, △ Trigono, □ Quadrato, ✱ Sextili, ○ Coniunctione. Horis autem, quibus aspectus ipsi perficiuntur, à meridie initium sumentibus, post aspectus characterem adiunctis. Verum coniunctiones luminarium, op-

A positiones,